

Lynne Neagle AS/MS
Ysgrifennydd y Cabinet dros Addysg
Cabinet Secretary for Education

Vikki Howells AS/MS
Y Gweinidog Addysg Bellach ac Uwch
Minister for Further and Higher Education



Llywodraeth Cymru
Welsh Government

Buffy Williams AS
Cadeirydd y Pwyllgor Plant, Pobl Ifanc ac Addysg

25 Chwefror 2026

Annwyl Buffy

Diolch am y gwahoddiad i ymddangos gerbron y Pwyllgor Plant, Pobl Ifanc ac Addysg ar 4 Chwefror a'ch gwaith parhaus ar godi safonau addysgol a'ch ymrwymiad i wella bywydau plant a phobl ifanc yng Nghymru.

Gweler isod yr wybodaeth ychwanegol y gofynnwyd amdani ynghyd â'n hymateb i'r cwestiynau na gafwyd amser i'w gofyn yn ystod y sesiwn.

Adroddiad gwerthuso ysgolion bro

Ymrwymwyd i rannu copi o'r gwerthusiad annibynnol o brosesau ein dull gweithredu Ysgolion Bro. Cynhaliwyd y gwerthusiad gan Alma Research. Cyhoeddwyd eu hadroddiad (24 Chwefror) a gellir ei weld yma: <https://www.llyw.cymru/gwerthusiad-o-brosesau-cyllido-ysgolion-bro>.

Adroddiad terfynol y Panel Arbenigol Llythrennedd

Bydd datganiad ysgrifenedig ar waith y Panel Arbenigol Llythrennedd yn cael ei wneud cyn bo hir, gan gynnwys eu hadroddiad a fydd yn cael ei rannu gyda'r Pwyllgor ar wahân.

Canolfan Cyswllt Cyntaf / First Point of Contact Centre:
0300 0604400

Bae Caerdydd • Cardiff Bay
Caerdydd • Cardiff
CF99 1SN

Gohebiaeth.Lynne.Neagle@llyw.cymru
Correspondence.Lynne.Neagle@gov.wales

Rydym yn croesawu derbyn gohebiaeth yn Gymraeg. Byddwn yn ateb gohebiaeth a dderbynnir yn Gymraeg yn Gymraeg ac ni fydd gohebu yn Gymraeg yn arwain at oedi.

We welcome receiving correspondence in Welsh. Any correspondence received in Welsh will be answered in Welsh and corresponding in Welsh will not lead to a delay in responding.

Rhagor o wybodaeth ynghylch asesiadau o fforddiadwyedd cynyddu gwariant benthyciadau myfyrwyr ar gyfradd uwch na Llywodraeth y DU a'r effaith y bydd hyn yn ei chael ar becynnau cymorth yn y dyfodol

Bydd swyddogion yn hapus i gynnig briff technegol i'r pwyllgor ar eich cwestiwn ynghylch gwariant ar fenthyciadau myfyrwyr.

Manylion ynghylch nifer yr ymgeiswyr a gafodd le mewn addysg uwch o gwintel 1 Mynegai Amddifadedd Lluosog Cymru

Mynediad 2025

Yn 2025, roedd cyfanswm o 3,225 o ymgeiswyr sydd â'u domsil yng Nghymru o'r cwintel isaf ym Mynegai Amddifadedd Lluosog Cymru (MALIC C1). Mae'r ffigur hwn yn gynydd o 1.8% o'i gymharu â nifer yr ymgeiswyr MALIC C1 a gafodd le yn 2024.

Ar ben hynny, llwyddodd 18.2% o'r boblogaeth 18 oed o fewn MALIC C1 i gael lle mewn addysg uwch yn 2025. Mae'r gyfradd hon 0.3 pwynt canran yn is na chyfradd mynediad MALIC C1 a gofnodwyd yn 2024.

Ffynhonnell: [UCAS Undergraduate end of cycle data resources 2025 | UCAS](#) (Saesneg yn unig)

2026

Ar gyfer blwyddyn academiaidd 2026, erbyn y dyddiad cau ar gyfer ystyriaeth gyfartal mis Ionawr, roedd 3,340 o ymgeiswyr sydd â'u domsil yng Nghymru o MALIC C1. Mae hyn yn gynydd o 7.1% o'i gymharu â nifer yr ymgeiswyr o MALIC C1 ar yr un cyfnod yn 2025.

Yn ogystal, gwnaeth 21.0% o'r boblogaeth 18 oed o MALIC C1 gais erbyn y dyddiad ystyried cyfartal ym mis Ionawr ar gyfer mynediad yn 2026. Mae hyn yn gynydd o 0.9 pwynt canran yn y gyfradd ymgeiswyr o'i gymharu â'r un cyfnod yn 2025.

Ffynhonnell: [2026 cycle applicant figures – 14 January deadline | UCAS](#) (Saesneg yn unig)

Mewn ymateb i'r cwestiynau na chafwyd amser i'w holi:

- **A wnaiff y Gweinidog roi'r wybodaeth ddiweddaraf ynghylch a oes unrhyw benderfyniad wedi'i wneud ar barhad Taith mewn perthynas â'r penderfyniad i ailymuno ag Erasmus o 2027 ymlaen? A fyddai unrhyw newidiadau i weithgarwch Taith pe byddai'r ddau gynllun yn gweithredu ar yr un pryd?**

Rydym wedi ymrwymo o hyd i sicrhau parhad cyfleoedd i ddysgwyr ac wrth i fanylion ein cyfranogiad yn Erasmus+ barhau i ddatblygu, byddwn yn ystyried y goblygiadau yn ofalus.

Mae swyddogion yn gweithio'n agos gyda chymheiriaid yn Llywodraeth y DU a'r Gweinyddiaethau Datganoledig eraill i lunio Erasmus+, ac mae deialog barhaus ar lefel Gweinidogol i sicrhau bod blaenoriaethau Cymru, gan gynnwys cryfderau Taith, yn cael eu hadlewyrchu'n llawn. Rydym wedi ymrwymo i sicrhau bod y gwersi a ddysgwyd a'r arfer da a ddatblygwyd drwy Taith yn dylanwadu ar ddarpariaeth Erasmus yn y dyfodol.

Ein blaenoriaeth yw cyflawni'r rhaglen Taith bresennol yn llwyddiannus a sicrhau bod dysgwyr yn parhau i elwa o'r cyfleoedd rhyngwladol y maent yn eu haeddu, gan wneud yn siŵr nad oes bwlch yn y ddarpariaeth, a bod dysgwyr ar draws pob sector yng Nghymru yn cael mynediad at gymaint o gyfleoedd â phosibl, waeth pa gynllun sy'n hwyluso'r cyfleoedd hyn. Felly, rydym wedi cadarnhau estyniad i gynllun Taith tan 2028, gyda holl brosiectau a ariennir gan Taith i gael eu cwblhau erbyn 31 Awst 2027. Yna disgwylir i brosiectau a ariennir gan Erasmus+ ddechrau ym mlwyddyn academaidd 2027–28, sy'n golygu na fydd gorgyffwrdd rhwng prosiectau'r ddwy raglen.

- **Mae'r Pwyllgor yn disgwyl derbyn adroddiad diwedd blwyddyn ariannol gan Lywodraeth Cymru ym mis Ebrill 2026 y dywedwyd wrthym y bydd yn cynnwys asesiad o gynnydd Seren ers yr asesiad blaenorol yn 2018. A wnewch chi roi'r wybodaeth ddiweddaraf am unrhyw gasgliadau neu wersi a ddysgwyd rydych chi'n ymwybodol ohonynt ar y pwynt hwn?**

Mae Seren yn monitro cyfranogiad ac ymgysylltiad dysgwyr â'r rhaglen yn barhaus. Mae'r data hyn yn ein helpu i wirio a yw'r rhaglen yn diwallu anghenion dysgwyr ac yn dangos gwerth am arian, ac yn ein galluogi i wneud gwelliannau lle bo angen.

Yn seiliedig ar y data hyn, penderfynom newid sut rydym yn cyflwyno'r rhaglen. O fis Ebrill 2026 ymlaen, bydd tîm ymroddedig yn arwain y gwaith cyflenwi, gyda rhaglen gymorth wedi'i diweddarau i ysgolion a cholegau yn lansio ym mis Medi.

Fel y soniais yn fy llythyr fis Rhagfyr 2025, bydd adroddiad data diwedd blwyddyn Seren yn cael ei gyflwyno i'r pwyllgor hwn ym mis Ebrill 2026. Bydd hyn yn darparu meincnod i fesur effaith newidiadau i'r rhaglen.

Rydym hefyd wedi comisiynu adolygiad annibynnol o Seren. Bydd hyn yn asesu'r cynnydd ers 2018 ac a yw'r newidiadau a wnaed o dan strategaeth weithredol 2023 yn gweithio. Rydym yn disgwyl adroddiad interim dros yr haf, gyda'r adroddiad terfynol erbyn diwedd y flwyddyn.

Rydym yn diweddarau sut rydym yn adnabod dysgwyr ar gyfer Seren. Bydd y canllawiau newydd yn seiliedig ar dystiolaeth ac yn gyson ledled Cymru.

- **A wnaiff y Gweinidog roi'r wybodaeth ddiweddaraf am waith ei Grŵp Cyngori ôl-16, gan gynnwys pa faterion sydd wedi'u trafod hyd yn hyn?**

Sefydlwyd y Grŵp Cyngori'r Gweinidog ar Addysg Drydyddol i ddarparu cyngor strategol, gwybodus ac adeiladol ar yr heriau a'r cyfleoedd mawr sy'n wynebu system addysg drydyddol Cymru. Mae'r Grŵp wedi cyfarfod ar ddau achlysur, ac mae'r trydydd cyfarfod wedi'i drefnu ar ddechrau mis Mawrth.


Ar 13 Chwefror, cyhoeddwyd Ddatganiad Ysgrifenedig yn rhoi'r wybodaeth ddiweddaraf i'r Aelodau am bwrpas y Grŵp a'i waith hyd yma: [Datganiad Ysgrifenedig: Grŵp Cynghori Gweinidogion Addysg Drydyddol – Pwrpas, Cylch Gwaith a Diweddariad \(13 Chwefror 2026\) | LLYW. CYMRU.](#)

Yn gywir,



Lynne Neagle AS/MS

Ysgrifennydd y Cabinet dros Addysg
Cabinet Secretary for Education



Vikki Howells AS/MS

Y Gweinidog Addysg Bellach ac Uwch
Minister for Further and Higher Education